



Služba za privredu, lokalni razvoj i inspeksijske poslove

Broj:02-24-13780-2/19
Lukavac, 09.12.2019.godine

Na osnovu člana 17. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije Bosne i Hercegovine“, broj: 78/09), člana 4. Odluke Općinskog vijeća o uslovima i načinu korištenja sredstava ostvarenih od zakupa poljoprivrednog zemljišta u vlasništvu države broj: 01-02-13142/19 od 28.11.2019. godine, Budžeta Općine Lukavac za 2019. godinu („Službeni glasnik Općine Lukavac“, broj: 13/18), i člana 35. Odluke o izvršenju budžeta Općine Lukavac za 2019.godinu (potrošačka jedinica 1106. „Poticaj poljoprivrednoj proizvodnji“), Služba za privredu, lokalni razvoj i inspeksijske poslove raspisuje:

JAVNI POZIV

za predaju zahtjeva za ostvarivanje prava na korištenje sredstava ostvarenih od zakupa poljoprivrednog zemljišta u vlasništvu države za projekat uređenja poljoprivrednog zemljišta procesim okrupnjavanja zemljišnog posjeda

Predmet Javnog poziva je prikupljanje prijava (zahtjeva) za korištenje namjenskih sredstava ostvarenih od zakupa poljoprivrednog zemljišta u vlasništvu države, u svrhu uređenja poljoprivrednog zemljišta namijenjenog primarnoj poljoprivrednoj proizvodnji, odnosno sufinansiranje projekata uređenja zemljišta procesom:

- okrupnjavanja zemljišnog posjeda kupovinom ili zamjenom poljoprivrednog zemljišta.

I PRAVO UČEŠĆA

A) Uređenje zemljišta procesom okrupnjavanja zemljišnog posjeda kupovinom ili zamjenom poljoprivrednog zemljišta:

Pravo na podnošenje prijava (zahtjeva) po ovom Javnom pozivu za navedenu mjeru uređenja zemljišta imaju korisnici (obrtnici, pravna ili fizička lica) koja ispunjavaju slijedeće opće uslove:

- da se bave poljoprivrednom djelatnošću sa sjedištem/prebivalištem na području općine Lukavac,
- da su upisani u Registar poljoprivrednih gazdinstava i Registar klijenata koji vodi nadležna Služba,
- imaju Ugovore o kupovini ili zamjeni poljoprivrednog zemljišta ovjerenog od strane notara i dokaz da su u postupku rješavanja imovinsko - pravnih odnosa kod nadležnih organa ili da su isti završili.

Poticaj se odnosi na kupovinu ili zamjenu susjednih parcela poljoprivrednog zemljišta od 2019. godine do danas. Za fizičke osobe minimalna površina je 0,3 ha, obrtnike minimalna površina je 0,5 ha poljoprivrednog zemljišta, a za pravne osobe najmanje 1,0 ha poljoprivrednog zemljišta u cilju okrupnjavanja posjeda na području općine Lukavac.

Strana 1 od 1



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

II POSEBI USLOVI, pored navedenih općih uslova, su:

- da je poljoprivreda osnovno ili dopunsko zanimanje,
- broj članova gazdinstva, odnosno broj uposlenih radnika,
- površina poljoprivrednog zemljišta koje se koristi za poljoprivrednu proizvodnju (vlastito – posjedovni listovi, zakup – Ugovor o zakupu poljoprivrednog zemljišta ovjeren od strane notara sa posjedovnim listovima),
- posjedovanje poljoprivredne mehanizacije.

III. POTREBNA DOKUMENTACIJA

Podnosioci zahtjeva trebaju priložiti slijedeću dokumentaciju:

1. Uredno popunjen zahtjev (prijavu) potpisan ili ovjerena pečatom podnosioca zahtjeva (prijave) za pravna lica i obrtnike.
2. Rješenje o upisu u sudski registar – pravna lica (original ili ovjerenu kopiju),
3. ID broj – obrtnici i pravna lica (original ili ovjerenu kopiju),
4. Uvjerenje o izmirenju poreskih obaveza, ne starije od 6 mjeseci (obrnici, pravna i fizička lica) - (original ili ovjerenu kopiju),
5. Potvrda Uprave za indirektno oporezivanje BiH o podmirenim obavezama za pravna lica (original ili ovjerena kopija),
6. Bilan stanja i bilans uspjeha za prethodnu godinu za pravna lica,
7. Prijepis posjedovnih listova i Ugovore o kupovini ili zamjeni poljoprivrednog zemljišta ovjerene od strane notara i dokaz da su u postupku rješavanja imovinsko-pravnih odnosa kod nadležnih organa (original ili ovjerenu kopiju),
8. Kopija katastarskog plana za predmetne parcele (original ili ovjerenu kopiju),
9. Posjedovni list za vlastito poljoprivredno zemljište na kojem je organizovna poljoprivredna proizvodnja ili Ugovor o zakupu poljoprivrednog zemljišta sa posjedovnim listom za poljoprivredno zemljište na kojem je organizovna poljoprivredna proizvodnja (original ili ovjerena kopija),
10. Potvrda (garancija) općinskog organa nadležnog za prostorno uređenje da kandidirano zemljište nije Prostornim planom određeno za građenje, uz izvod iz Prostornog plana općine za područje na kojem se nalazi kandidirano zemljište (u skladu sa člaom 22. tačka 11. Pravilnika o uvjetima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države „Službene novine Federacije Bosne i Hercegovine“, broj 78/09),
11. Potvrda o upisu u Registar poljoprivrednih gazdinstava i Registar klijenata koju izdaje nadležna općinska Služba,
12. Dokaz o posjedovanju mehanizacije (ovjerena kopija saobraćajne dozvole za mehanizaciju koja podliježe registraciji ili ovjerena izjava za posjedovanje mehanizacije koja ne podliježe registraciji),
13. Dokaz o uplati administrativne takse na zahtjev.

IV PROCEDURA ODABIRA KANDIDATA ZA DODJELU SREDSTAVA

Općinski načelnik imenuje stručnu Komisiju za odabir kandidata za dodjelu sredstava.

Zadatak Komisije je: pregled prispjelih ponuda, evidentiranje kandidata koji ispunjavaju uslove iz Javnog poziva, uvđaj na licu mjesta i procjene opravdanosti podnesenog zahtjeva, sačinjavanje liste krajnjih korisnika na osnovu utvrđenih kriterija za bodovanje, te istu dostavlja Općinskom načelniku.

Saglasnost na predloženu rang listu daje Općinski načelnik.

Rang lista odabranih kandidata se objavljuje na oglasnoj ploči Općine Lukavac, službenoj web stranici Općine Lukavac i Radio-televiziji Lukavac.

Izabrani kandidati potpisuju Ugovor o dodjeli sredstava, kojim će biti regulisana sva dalja prava i obaveze.

Obrasci Zahtjeva za prijavu na Javni poziv se mogu preuzeti u Šalter Sali Općine Lukavac i zajedno sa dokumentacijom predate na protocol Općine Lukavac.

Javni poziv će biti objavljen na oglasnoj ploči Općine Lukavac, službenoj web stranici Općine Lukavac i Radio-televiziji Lukavac.

Nepotpuna, neuredna, netačna i neblagovremena dokumentaciju neće se uzimati u obzir.

Javni poziv teče od 10.12.2019.godine i ostaje otvoren do 19.12.2019. godine do 15³⁰ sati.

POMOĆNIK NAČELNIKA
Službe za privredu, lokalni razvoj
i inspeksijske poslove

Esad Suljić, dip. pravnik